

ԱՐԱՐԱՏ ՍԱՀԱԿԻ ՂԱՐԻՔՅԱՆ

Սովետաճալ լեզվաբանությունը ծանր կորուստ կրեց, 78 տարեկան հասակում վախճանվեց ՀՍՍՀ ԳԱ ակադեմիկոս, գիտության վաստակավոր գործիչ, բանասիրական գիտությունների դոկտոր, պրոֆեսոր Արարատ Սահակի Ղարիքյանը:



Արգասավոր է եղել մեծանուն հայագետի կյանքի ուղին: Ա. Ղարիքյանը ծնվել է 1899 թ. հունվարի 27-ին, Արտաշատի շրջանի Այգեղարդ (Դարդալու) գյուղում, հողագործի ընտանիքում: 1919 թ. փայլուն գնահատականներով ավարտում է Երևանի գիմնազիան: 1923—1927 թթ. սովորել է նորաստեղծ համալսարանի բանասիրական ֆակուլտետում, որ գրավել է անվանի լեզվաբան Հ. Աճառյանի ուշադրությունը: Համալսարանն ավարտելուց հետո Ա. Ղարիքյանը դառնում է Հ. Աճառյանի ասպիրանտը՝ հայոց լեզվի պատմության գծով: 1937 թ. նա ստանում է բանասիրական գիտությունների թեկնածուի (եճայերենի հոգնակի նշանակող մասնիկները և նրանց լեզվաբանական արժեքը՝ աշխատության համար), 1946 թ.՝ բանասիրական գիտությունների դոկտորի (եճայերենի ՎՍՁ՝ էություն

բարբառները՝ աշխատության համար) աստիճան և պրոֆեսորի կոչում: 1947 թ. ընտրվել է ՀՍՍՀ ԳԱ թղթակից անդամ, 1960 թ.՝ իսկական անդամ:

Քսան տարուց ավելի Ա. Ղարիքյանը դասախոսել է Երևանի համալսարանում, իսկ 1934 թ. աշխատում էր Ն. Աբովյանի անվան մանկավարժական ինստիտուտում, որի հայոց լեզվի ամբիոնը ղեկավարել է մինչև 1960 թ.: Տարբեր տարիներ նա դասախոսել է Երևանի հեռակա, ուսական, լեզնականի, Թբիլիսիի, Բաքվի մանկավարժական ինստիտուտներում:

Ա. Ղարիքյանի գիտահետազոտական գործունեությունն ընթացել է հայ բարբառագիտության և լեզվի պատմության, բառարանագրության, հայոց լեզվի դասավանդման մեթոդիկայի ուսումնասիրման ուղղություններով: Նրա աշխատությունների, դասազրգերի, ձեռնարկների թիվը հասնում է երկու հարյուրի: Նա մեծ ավանդներ գրեց հայ բարբառների հավաքման, գիտական նկարագրության և դասավանդման գործում: Բավական է ասել, որ մեկուկես տասնյակից ավելի բարբառներ գիտականորեն արժեքավորվել են Ա. Ղարիքյանի հետազոտությունների շնորհիվ, իսկ 6 ենթաբարբառներ նա առաջարկել է վերանվանել բարբառներ:

Ա. Ղարիքյանը գիտակազմակերպական արտակարգ տաղանդ ուներ: ՀՍՍՀ ԳԱ կազմում լեզվի ինստիտուտի ստեղծման: օրվանից (1944 թ.) մինչև 1950, ապա՝ և՛ 1956—1961 թթ. նա ղեկավարել է այդ հաստատությունը: 1962—1976 թթ. եղել է ՀՍՍՀ ԳԱ գրադարանային-խորհրդի նախագահ և հիմնականում գրադարանի գործակալ: 1955—1967 թթ. եղել է ՀՍՍՀ ԳԱ լեզվի, գրականության և արվեստի ինստիտուտների գիտական աստիճանների շնորհող խորհրդի նախագահ: 1958—1961 թթ. և 1964 թ. մինչև իր մահը վարել է ՀՍՍՀ ԳԱ հասարակական գիտությունների բաժանմունքի ակադեմիկոս-քարտուղարի տեղակալի պաշտոնը:

Իր կյանքի վերջին քսանամյակը նա նվիրեց հայկական քարտառների և համաբարբառ բառարանների ստեղծմանը: Իրեն հատուկ ոգևորությամբ և նուանդով այդ աշխատանքը նա սկսեց լեզվի ինստիտուտում, ապա շարունակեց հիմնականում գրադարանում: Կարճ ժամանակա-

միջոցում նրա ղեկավարությամբ կազմվեցին դասական մատենագրության, ինչպես և նոր գրականության մի շարք երկերի համարարարառները:

Կուսակցությունը և կառավարությունը բարձր են գնահատել ակադեմիկոս Ա. Ղարիբյանի վաստակը՝ 1954 թ. նրան շնորհվել է ՀՍՍՀ գիտու-

թյան վաստակավոր գործչի կոչում: 1969 թ. պարգևատրվել է Աշխատանքային կարմիր գրոշի չքանշանով: Նա պարգևատրվել է նաև մի շարք մեդալներով ու պատվոգրերով: Ա. Ղարիբյանը ՀՍՍՀ պետական մրցանակի դափնեկիր էր:

ՎԱՀԱՐՇԱԿ ՔՈՍՅԱՆ
Բանասիրական գիտությունների թեկնուց